

Broj: 01-11-10-03425-7/2022

Sarajevo, 20.7.2022. godine

Na osnovu člana 64. stav (1) tačka b), člana 70. st. (1), (3) i (6), te čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-11-10-03425-6/2022 od 19.7.2022. godine, Direktor Federalne uprave za inspekcijske poslove kao ugovornog organa, donosi,

O D L U K U

o izboru najpovoljnijeg ponuđača i dodjeli ugovora o nabavci usluga kolektivno osiguranje uposlenika Federalne uprave za inspekcijske poslove

Član 1.

Prihvata se preporuka komisije za javne nabavke uprave broj 01-11-10-03425-6/2022 od 19.7.2022. godine, te se ugovor o nabavci usluga osiguranja uposlenika Federalne uprave za inspekcijske poslove po provedenom postupku konkurentskog zahtjeva za dostavljanje ponuda uz primjenu e-aukcije, dodjeljuje ponuđaču „ADRIATIC OSIGURANJE“ D.D. SARAJEVO, čija ponuda broj 109/22 od 4.7.2022. godine je ocijenjena najpovoljnijom.

Član 2.

Ugovor sa ponuđačem „ADRIATIC OSIGURANJE“ D.D. SARAJEVO, zaključit će se pod slijedećim uslovima:

- ukupna cijena: 22.990,80 KM
- planirani broj osiguranih lica: 170 (stotinusedamdeset),
- cijena osiguranja po jednom osiguranom licu mjesečno: 11,27 KM
- rok isplate po osnovu eventualno nastalog osiguranog nesretnog događaja je: 1 (jedan) dan računajući od dana dostavljanja kompletne dokumentacije
- ugovor će se zaključiti na period od 1 /jedna/ godine, a primjenjivat će se od 7.9.2022. godine do 6.9.2023. godine (uključujući i navedene datume)
- rok plaćanja ponuđaču je 30 /trideset/ dana od dana prijema mjesečne fakture na protokol Ugovornog organa.

Član 3.

Izabrani ponuđač iz člana 1. odluke je dužan u roku od 5 (pet) dana od dana prijema odluke dostaviti ugovornom organu dokaze zahtjevane članom 45. Zakona o javnim nabavkama, kojim potvrđuje da:

- a) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- b) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Dokazi koje će dostaviti izabrani ponuđač moraju sadržavati potvrdu da je u momentu predaje ponude ispunjavao uvjete iz člana 45. ZJN i odredbi tenderske dokumentacije.

Ukoliko izabrani ponuđač u roku ostavljenom stavom (1) ovog člana ne dostavi naprijed tražene dokaze, odnosno ukoliko dostavi dokaze koji ne budu potvrđivali da je u vrijeme predaje ponude ispunjavao uvjete iz člana 45. ZJN, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

Član 4.

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Na osnovu odluke direktora Federalne uprave za inspekcijske poslove broj 01-11-10-03425/2022 od 27.6.2022. godine pokrenut je konkurentski postupak uz primjenu e-aukcije za nabavku usluga kolektivno osiguranje uposlenika Federalne uprave za inspekcijske poslove. Dana 30.6.2022. godine na portalu javnih nabavki BiH je objavljeno obavještenje o nabavci predmetnih usluga, broj obavještenja 1292-7-2-18-3-15/22. Tenderska dokumentacija je učinjena dostupnom potencijalnim ponuđačima na Portalu javnih nabavki. Istovremeno sa objavljivanjem obavještenja o javnoj nabavci na portalu javnih nabavki, u skladu sa članom 88. stav (1) Zakona o javnim nabavkama je upućen zahtjev za dostavljanje ponude na adrese 3 potencijalna ponuđača.

Dana 12.7.2022. godine izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

Naziv/ime ponuđača	Ukupna cijena ponude
„ASA OSIGURANJE“ D.D. SARAJEVO	27.336,00 KM
„ADRIATIC OSIGURANJE“ D.D. SARAJEVO	22.990,80 KM

Komisija je konstatovala da nije bilo neblagovremeno pristiglih ponuda. Zapisnik o otvaranju ponuda broj je putem pošte odmah upućen ponuđačima koji su dostavili ponude. Na javnom otvaranju ponuda nije prisustvovao niko od predstavnika ponuđača koji su dostavili ponudu, kao ni druge zainteresovane osobe.

Na zatvorenom sastanku komisija je izvršila analizu pristiglih ponuda provjerom sadržaja i validnosti dokumentacije koju se ponuđači dostavili, te je tom prilikom konstatovala da su ponuđači dostavili urednu dokumentaciju traženu u postupku, odnosno da su kvalificirani za dalji tok postupka, te da ne postoje razlozi za odbacivanje ponude bilo kojeg od ponuđača.

Komisija je nakon utvrđivanja prednjih činjenica na istom sastanku utvrdila termin za e-aukciju, nakon čega je ista i zakazana u skladu sa odredbom člana 4. Pravilnika o uvjetima i načinu korištenja e-aukcije za dan 14.7.2022. godine sa početkom u 15:00:00 sati.

Nakon okončanja e-aukcije komisija je izvršila uvid u Izvještaj o toku i završetku e-aukcije u kojem je konstatovano da u postupku e-aukcije nije bilo podnošenja novih ponuda i da je ista trajala do 15:10:00 sati.

Slijedom navedenog, nakon završetka e-aukcije, Komisija je utvrdila da su ponuđači u ovom postupku dali ponude po cijenama prikazanim u slijedećoj tabeli:

Naziv /ime ponuđača	Početna cijena	Konačna cijena nakon e-aukcije	Rang
„ADRIATIC OSIGURANJE“ D.D. SARAJEVO	22.990,80 KM	22.990,80 KM	I
„ASA OSIGURANJE“ D.D. SARAJEVO	27.336,00 KM	27.336,00 KM	II

Planom nabavki Uprave za 2022. godinu utvrđeno je da procijenjena vrijednost iznosi 23.000,00 KM, te je cijena najpovoljnije ponude koju je ponudio ponuđač „ADRIATIC OSIGURANJE“ d.d. Sarajevo u okviru planiranih i obezbjeđenih sredstava za predmetnu nabavku.

Imajući u vidu navedeno, Komisija je konstatovala da je u skladu sa kriterijem „najniža cijena“ najpovoljnija ponuda ona koju je dostavio ponuđač „ADRIATIC OSIGURANJE“ D.D. SARAJEVO, te je direktoru Federalne uprave za inspekcijske poslove dostavila preporuku broj 01-11-10-03425-6/2022 od 19.7.2022. godine, kojom je predloženo da donese odluku kojom će u skladu sa kriterijem „najniža cijena“ ugovor dodijeliti navedenom ponuđaču.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste.



DIREKTOR

Anis Ajdinović

Dostaviti:

1. "Adriatic osiguranje" d.d. Sarajevo, Trg međunarodnog prijateljstva 20, 71000 Sarajevo;
2. „ASA osiguranje“ d.d. Sarajevo, Trg međunarodnog prijateljstva 25, 71000 Sarajevo;
3. Sektor za materijalno-finansijske i tehničke poslove;
4. Sektor za tehničku podršku i plansko-analitičke poslove;
5. Komsija za javne nabavke (a/a).